

《續修四庫全書》編纂委員會編

續修四庫全書

上海古籍出版社

五二六・史部・傳記類

焦太史編輯國朝獻徵錄一百二十卷（卷十九至卷三十六）

〔明〕焦 竑輯

.....
—

264.116

焦太史編輯國朝獻徵錄卷之十九目錄

詹事府二

春坊庶子

鄒緝

周述

周旋

張大瑞

童承叙

王祖嫡

諭德

林誌

黎恬

趙琬

劉戩

沈燕

倫文叙

屠應埈

張元朴

中允

趙文

李貫

景賜

林長懋

孫紹祖

廖道南

秦鳴夏

李學詩

陳謹

贊善

王汝玉

李希顏

梁潛

陳濟

梁潛

陳兒

徐善述

羅洪先

司直

汪敝

司經局洗馬

尹襄

楊傑

金陵黃應登

吳興茅元儀

錢塘徐象樞

刊行

全校

焦太史編輯國朝獻徵錄卷之十九目錄終

焦太史編輯國朝獻徵錄卷之十九目錄終

焦太史編輯國朝獻徵錄卷之十九目錄終

焦太史編輯國朝獻徵錄卷之十九

左春坊左庶子鄒公緝傳 黃佐

鄒緝字仲熙江西吉水人自幼力學博極群書爲文不尚彫繪洪武中以明經舉進仕皇子縣學教諭華除年間用薦陞國子助教與博士王紳友善皆能敦行以率諸生 成祖初即位擢翰林侍講尋兼左春坊左中允國子闕祭酒屢奉 命署監事永樂庚子北京行部鄉試偕侍講王英爲考試官警校精覆多得名士秩滿陞左庶子仍兼侍講與修 太祖高皇帝實錄及永樂大典歲祭卯九月卒於京邸緝居官嚴謹小心北監初建緝署事多所建明以文行受知

獻徵錄

卷之十九

一

安山館

於 成祖嘗患背疽 上特命中官督醫往療仍賜名藥每 朝廷有大事大疑緝務持正論與衆辨難不苟爲異同與朋友交必輔引於正或淪患難必極力濟之性澹泊自少不以貧窶累心祿食三十年儉素不改布衣時其嗜學如饑渴之於飲食見異書必露抄雪其翫玩琴籍意裕如也及卒家無餘貲惟書數千卷自覽素庵所作詩清勁可法有素庵集藏於家子循爲翰林待詔宣德八年當受 勅命循乃上疏自陳臣父緝先在翰林事 文皇帝後兼官春坊

事 昭皇帝於東宮歷二十餘年而卒欽惟 皇帝陛下以孝治天下恩同天地凡推恩羣臣必寵及父母 賜之誥勅顧臣二親早沒不獲生受 誥命之榮今臣秩卑於例不應得封贈伏乞矜憫愚誠而特賜之 上諭行在吏部尚書郭璉曰永樂八年 皇祖征胡虜命朕居守北京時緝恒在左右所言皆止益良臣也其特與之勿爲例

獻徵錄

卷之十九

七

安山館

左庶子周公述傳 弟孟簡附 王時槐

周述字崇述吉水人永樂甲申述與從弟孟簡並及第成祖皇帝特 賜親閱試策手書述卷曰瑰璋之文充實之學書孟簡卷曰辭足以達意學足以明理兄弟齊名古今罕比並授翰林編修入文淵閣讀中秘書述預修永樂大典扈從北巡累進左春坊諭德兼侍讀從 皇太子居守南都 上諭述曰汝素重厚道途尤資匡弼 太子雖聰明純謹然知或未逮行或過中必須盡言庶稱朕意 仁廟居守中外無失政德澤浹於人心述力爲多宣德中陞左庶子兼

卷之十九

上

夏山集

秩知故正統中謝病歸孟簡在中秘二十年始還詹事府卷一日 詔擇文學端慎之士侍臣以孟簡進 命孟簡爲襄王長史侍臣密奏宜雷孟簡備顧問 上曰輔朕弟尤勝於輔朕也述溫厚儒雅未嘗見疾言遽色尤篤交誼孟簡諫厚不伐生平無雁耽於人兄弟並列侍從一時稱盛焉

左春坊左庶子兼翰林侍講周君旋墓表

蕭 鉞

周君諱旋字中規溫之永嘉人也正統丙辰擢進士第一入翰林爲修撰九載績最陞侍講景泰壬申懷獻太子立進左春坊左庶子兼舊官授奉政大夫又明年是爲景泰甲戌正月二日夙興方盥櫛造朝忽得疾卒卒君曾祖德銘祖思賢父大順皆弗仕大順以君貴贈翰林修撰母陶氏贈安人君六歲喪父未冠又喪母然自立入郡庠爲弟子員即奮發期若於學章類成推讓之每科舉必以勉自期雖屋第偶而其志不少挫卒用有成入翰林適 詔選庶吉士俾續學 中秘月爲文章而考其成君既在選首遂日夜進學不厭其業益修其名益重同考壬戌會試得今春坊大學士劉君儼所作大稱賞擬實高等同事者沮之君不平爭之愈力已而 廷試劉君果魁選入服其識君疾在告久之還朝遭 今上卽位慨然歎曰安夏懷表此其時也上疏萬餘言皆當時急務其於親賢遠佞勤政講學之類語尤剴切多見納用進講 經筵六修歷代君鑑皆受白金文綺之賜卒時年五十有八與人交傾肝膽不事畛域有

卷之十九

四

夏山集

左春坊左庶子張天瑞傳

張天瑞字天祥山東清平縣人成化十七年以進士
第三人及第授翰林院編修與修 憲宗實錄陞侍
讀充經筵講官改右中二兼侍 今上於春宮爲講
讀官秩滿陞左春坊左庶子與修資治通鑑纂要弘
治十七年八月卒特賜以諡祭天瑞天資絕人爲詩
文數千言常信筆成篇不復檢覈對客與閒居無異
其言妙轅古今他人所思者恒不及見者莫不驚服
人或欲難之者以四韻律詩期以限百篇使成天
瑞亦揮毫立就限者復至供韻不及然頗自負才人
亦不爲計也其蘊經濟而不及施人甚惜之云

張天瑞

卷之九

六

張天瑞

過從者興至卽歡留之奕棋聽詠忘其日之夕也爲
文章恥陳腐務出已意爲奇語每日作輒呼酒引滿
三數行索筆一揮千百言立就汗漫演迤理致泓然
求者接踵於戶而君應之常有餘有集若干卷藏於
家 國朝自洪武辛亥以來至正統丙辰六十六年
之間凡二十設科狀元及第者蓋二十人率皆磊落
瑰偉之士其間位公卿處宿衛建功立業往往有之
然鬱堙沈滯未及一命之遷而忽焉以沒者豈少哉
君自少卽有志於天下及遭其時意謂可行也不幸
困於疾既疾之平乃不克少延以竟所願豈人之君
子天之小人之說果然歟抑修短豐瘁幸不幸固自
有命哉然而敝歷侍近進大夫之列其文章事業又
卓卓著當時名後世如此視之他人益可以無憾矣

張天瑞

卷之九

五

張天瑞

左春坊左庶子童公承叙傳

童承叙字士時其先隨州人元季始祖避兵居沔陽遂爲沔陽人承叙方童時卽解聲律諳詞章十餘歲通經史百家言登正德辛巳進士改翰林院庶吉士嘉靖壬午授編修乙酉以父中憲憂倚廬哀毀遂致羸病服闋買舟至清源聞大獄起且念兄承德鰥處輒嘆曰此尚可逐逐徇祿仕哉率帆而返未幾承德灰矣人咸服承叙之爲智且孝壬辰北上充經筵官甲午充講官時上御文華殿承叙進講周書立政篇極陳王業艱難周公夾輔之忠詞意婉切上改容聽焉乙未充會試同考官尋陞右春坊右中允丙申以重書歷朝訓錄成陞司經局洗馬仍理司業事承叙爲司業嘗疏明監規五事飭學政六事上之皆鑒鑒可紀祭酒呂柟以推明正學爲已任乃計樂律與典禮崇先王之化承叙之志咸與協合柟喜曰天作之合吾教其有與乎巳亥上因正冊儲位乃進承叙爲左春坊左庶子兼翰林院侍講慎輔導之選也庚子奉命主順天鄉試檄棘之旦莫不以得士稱權貴子弟被黜者或構之承叙弗理久之恬如也壬寅以先墓歷歲弗省茸疏乞假歸未幾卒上

賜諭祭

明故右春坊庶子兼翰林院侍讀師竹王公祖

嫡行次

陸可敬

公諱祖嫡字胤昌別號師竹其先德州人也有諱汝錫者 高皇帝開國有功授大寧中衛百戶 復從文皇帝靖難戰歿白溝河收校其子悅河南信陽衛正千戶悅生端從大司馬恕平荆襄寇有獲雋功進世爵指揮僉事端生瑀瑀生詔是為竹里公竹里公文武有大畧負氣自喜不肯屈下文吏兩臺使者率才公有事驟委用而迄坐是取忌嫉用他誣誤具獄奪世爵悅世以卒娶袁氏明達有志操後以公及子延世實竹里公進昭勇將軍袁累進封淑人是為公父母以嘉靖辛卯之五月生公於衛署左右彷彿聞異香咸嘆詫之公生而警絕不類凡兒三歲病疹愈往省竹里公於獄吏抱從賓入公大詈而啼聲聞州治守異之射往撫摩俾攸綸以入且慰竹里公曰有子如此復何慮稍長口誦數千言父師課以詩句咸脫口破的嘗從竹里公游震雷山試令賦詩有綠管隨春棹鶯花入古山之句竹里公大喜與客續成之比長治經義蔚然有聲試輒屈其僨車年十六補博士弟子前後督學使者臺使者每見公文咸歎為

卷之十九

九

受山

傳記類

卷之十九

十

受山

國器二十八舉於鄉明年竹里公卒公嗣嗣治喪哀毀逾禮已再試春官不第於是袁淑人悉哀集竹里公前後訟牘而泣曰嗟乎先將軍銜不白之冤畢世矣憶將軍在時嘗謂若吾祖父血肉糜草野以獲有世爵而絕於予乎我失之若能復之吾亦瞑矣今將軍歿垂十年矣日月不居且奈何公伏地大慟曰微母言某何敢忘某所以遲遲至今意有待耳遂悉屏去鉛槧事且誓於神曰父冤白而復希進取者有如遂走 閣下上書言先臣指揮某冤事下大司馬覆訊卒得雪而武選郎顧謂以荆襄進秩非邊功欲止復故千夫長公涕泣力爭累日不能得則拭淚抗言某鄉貢士也即不第詎以州縣吏易一先登耶所重祖宗世爵故以死守之耳言已復泣淚簌簌濕地又走白他曹郎他曹郎力從吏遂得復竹里公如故爵延世甫四歲得以孫世襲云已復局試期公以前誓了無治策意袁淑人諭之不得則撫府大慟曰而不記而母完而父連餉時四壁已罄則出嫁時福市酒食哭拜族人求助乎而忍令不沾一命耶公伏地泣謝不敢乃再應春官試以隆慶辛未舉進士當廷對時自念此人臣對君之始詎可作諧媚語為自

謀計因盛稱人主節儉之美且言房繙入相則汾陽
減聲樂京兆去駟從以諷執政執政不憚下其等幾
殿三甲時諸少宰大綬與讀卷親語公其故俄改翰
林院庶吉士呂文簡爲諸吉士師督課甚峻顧衡雅
重公時時謂諸吉士汝南生忠孝人事事可法不待
文執絕人而已居久之諸吉士或以細故改置吏部
椽椽走訴之部時楊襄毅以舊德爲太宰意諸吉士
心侮之聞之怒甚走白故相江陵公江陵公亦大怒
手札下館師欲分別議調黜館師馬文端立諸吉士
於廷訊事所由起諸吉士競自別白不知狀公獨前
獻數條

卷之十九

十一

吳山陰

奮言以吉士而殿曹部椽吏安所坐罪今直以三十
三人名上聽處分耳不則獨坐某勿以累諸生何乃
紛紛自白徒爲詞林垢辱爲馬公意頓解徐拱手謂
子言良是吾所不及事上江陵公意亦解竟無所誰
何癸酉解館授翰林院檢討以 上卽位覃恩進竹
里公廣威將軍袁淑人封恭人而公是時已浩然有
歸志矣明年奉 詔冊封韓藩以袁淑人歸使竣事
又明年以袁淑人趨復 命遂復奉以北是年與修
會典丁丑分典南官試甫竣事而袁淑人歸亡何
公亦歸家居且三年以纂修之役復奉袁淑人以北

明年 詔管理文官誥勅是歲延世始襲世職以部
試異等牒送遼東而公與袁淑人喜可知也明年壬
午 皇上第一子生奉 詔詣 慶淮益三府而淑
人卒奉冊於竹里公兆葬建堂廡居其側服闋遂具
疏乞休於時政府四先生咸力尼毋上且各以書趣
就職而荆石王先生開諭尤懇難可教亦數移書勸
駕不得則謂公之初誓爲雪先將軍冤耳 先帝已
白將軍冤 主上又以延世遠左功晉世爵指揮使
國恩謂何而迄無一事以報耶抑風木之悲自人
子言耳試以先將軍悒鬱以卒之心及袁淑人板輿
獻徵錄

卷之十九

十一

吳山陰

六往返之心思之似姑倪勉一出於義爲允且復以
革除舊疏爲勸革除疏者言 建文君及 景皇帝
實錄事公初入史館時私念 國朝史事之闕無大
於此因具疏請及時釐正而江陵公力尼之公快意
而止然終未嘗一日去心也於是公悟復趨駕以北
俄遷國子司業遂以前疏上得 旨許重錄 景皇
帝事而 建文君事姑止毋議蓋終以事關 成祖
云明年遷司經局洗馬兼翰林修撰纂修玉牒九月
扈 駕閱壽宮賜四品大紅羅衣一襲時延世亦遷
神機十營佐擊同受賜觀者榮之明年復分典南官

試九月典武試甫竣事而淑人卒公悲惋頗甚因復具疏乞自是移疾不復出矣先是有明因寺僧某者亦信陽人所居頗幽勝公暇往過之力以寺碑爲請公訊寺所由則慈寧宮香火別院也因盛稱京師佛寺鉅麗鈴鐸相聞古所未有皆民脂膏之所自出微以示諷然亦漫以塞僧意不知其聞內也忽日中貴人以內賜至驚視則寶鏤文綺佛像珍藥充斥庭中且言聖母見文甚喜謂塗骨蒙血語人無敢及且文內洞悉西來大意故有是賜公愕不敢辭越數日賜復如之益以諸珍饌公益駭愕亟謂可敬茲事不當聞上耶然懼非聖母意且奈何可教言茲事外庭所創見盡言之政府公亟走白政府政府四先生亦相顧嘆咤稱儒林盛事云至是先命延世奉高淑人喪歸內復賜銀幣併諸御藥而以珍饌賜公者再會荆石王先生訪公榻前再白前事因且言不可復畱意先生言吾儕實重去公顧以此求去意良是然雅尚如公亦何嫌必不得已有移疾耳月餘遷右春坊右庶子兼翰林院侍讀又旬日始得請歸歸歲餘而趙先生入內閣方與諸公謀強起公而公歿矣壽僅六十

奉訓大夫右春坊右諭德兼翰林侍讀林君誌墓表 楊士奇

君姓林氏世爲侯官人父興母游氏生君諱誌四五歲其母口授書一過輒能記誦不忘十歲日記千數百言十四五下筆爲文章不倍義理從學王孟揚孟揚奇之爲盡底裏時數數出論辨見鋒鏘以折其老長孟揚曰此非所以求益也爲字之日尚默卽痛自克治羣居一語一笑不敢妄終其身不變而沈潛於學涵浸淳畜久而益富永樂辛卯福建鄉試壬辰禮部會試皆第一廷試第一甲第二人授翰林編修癸巳車駕幸北京甲午召赴行在預編性理及四書五經大全書成受賜資丙申扈從南還預編歷代名臣奏議辛丑召赴北京陞修撰甲辰陞侍讀考順天府鄉試未幾簡東宮官擢右春坊右諭德仍兼侍讀洪熙元年賜詒贈其父奉訓大夫右春坊右諭德兼翰林侍讀封其母妻宜人宣德元年赴應天府鄉試預修兩朝實錄未成尚默得熱疾更數醫弗效數月卒

奉直大夫右春坊右諭德熙齋黎公括墓碑

楊士奇

右春坊右諭德黎君以正統二年十一月謁告歸清江得疾卒於家嗚呼黎君之擢第也爲良進士入風憲爲良御史於長民爲良郡守於近侍爲良輔臣索何進止於斯乎黎之先曾大考允誠大考惟琇考宗瑞妣邵氏以君貴考贈右春坊右諭德妣贈宜人君諱恬字潛輝天資清淑生六七歲知慕學問永樂壬辰擢馬驛榜第二甲進士無幾丁內艱去服闋除陝西道監察御史以正直揭風裁歲辛丑朝廷以災異求言羣御史同上奏實君具草歷詆大臣之任事者無憂國恤民之心剴切激厲無顧避上曰御史言是任事者不能堪後薦御史之才可用於上皆陞知州而虞之遠方君得交陞南靈州尤僻遠君怡然曰聖人不鄙九夷我何人哉既至教愛其民如子民皆父母師事之政化既行會黎利及其衆日盛總帥王通孱弱不能制爲吏所脇遂矯制三司郡縣官吏悉解職守隨通北歸君時在行既歸通及協謀者皆坐法朝廷以事不出於衆悉置不問宣德七年士奇率同官言黎恬文學操行可任近侍遂命爲右春坊右諭

德授奉直大夫時春坊事簡奉直入翰林與纂述考

最賜誥追贈其考妣預修宣廟實錄簡充經筵官奉命考禮部會試者二用心公正時多得人遂謁告歸展先墓賜道里費給驛舟既展墓樹碑墓側退而治其親戚鄉里懽甚將行得疾醫藥久弗効以正統三年正月二十二日卒享年五十有一君爲孝友之行而磊落有大志耻屑流俗事學博而正論議沛然爲文章波瀾藻麗而根於理存心公平於論人之邪正事之枉直靡不服之盡心公務未嘗苟且非其人弗與處容色潔白如玉儀度恭肅人不可犯而雅度獻徵集 卷之十九 士 吳山館

士

吳山館

灑落良朋勝友卒然邂逅詩酒倡和酬酢半極懽兩罷其藏修之齋名熙熙所著有詩文集若干卷

諭德梅庵先生趙公琬行狀 商 翰

公姓趙氏諱琬字叔琰系出宋宗室魏王德昭之後父敏善以公貴初贈承德郎國子司業再贈奉直大夫左諭德母陳氏繼母戴氏俱贈安人進宜人公生而穎異自幼凝重不好嬉戲讀書數過能背誦八歲出就外傳九歲通孝經論語大義十歲值母陳氏喪哀毀如成人十四補郡庠生永樂辛卯歲以詩經中京闈鄉試第二人時考官評其卷有云經學則融傳註而成文策問則據事實而敷答簡而且明詳而不冗非有學者不能也明年會試春官中乙榜授浙之
獻徵錄 卷之十九 十七 吳山館
奉化教諭甫半載代還調閩之德化公善於訓迪士子翕然向方閱七寒暑以父憂去服闋除保定之慶都未幾聞繼母戴氏喪去復除山東之金鄉皆教諭宜德甲寅歲用衍聖公薦赴京辭三氏子孫教授職弗就遷翰林院待詔明年陞北京國子監司業階承直郎已而 賜勅命進階承德郎正統甲子春三月車駕視學 命公坐講易之文言翼日 賜織金紵絲羅衣各一襲賜宴於 奉天門明年陞左春坊左諭德階奉訓大夫已又 命公兼 經筵官 賜織金紵絲衣一襲白金三十兩鈔三千貫昇泰辛未

二月 車駕視學 命公坐講書之泰誓 賜織

金紵絲羅衣各一襲及紗帽犀帶復 賜宴於 奉天門公深自感激歷陳七事皆學政當務 上命禮部議多見施行是歲冬得疾醫莫能效遂卒享年六十有五公手姿秀偉言詞動止雍容閑雅所著詩文渾厚典則類其為人其教學者每以古人嘉言善行諄諄開導故所至人化其德久而益親在太學十有七年規矩整飭修德講學教人有序始至嘗議修胡安定湖學之教職居佐貳勢莫得行公處已甚節儉而急於周人之急太學諸生中有親在遠弗及養者必致書其郡縣俾存問之貧弗能娶者助其貲為擇配婚之喪弗能舉者厚賻之設藥房選諸生知醫者五六人領其事以已貲置藥物其中以濟人之急又買地都城之北環植萬柳名萬柳庄設義塚以葬凡喪之不能歸者其於師生恩義可謂兼盡矣然好善惡惡之心太明諸生有善行者曲加禮遇至忘其勢分敬之如賓或少有過差則色色待之過而弗改者遠絕之至弗與言其多取怨於人以此在慶都金鄉時嘗考山東山西鄉試及禮部會試在太學兩奉 命伐祀鄒魯及會稽諸祠所至竭其誠敬於民秋毫

無撥魯王重公爲人親書裡祀二大字并爲文述之
而會稽諸鄉老亦爭爲詩歌稱頌其美公每與人言
必及聖賢事業忠孝大節勢利事絕口不論晝夜汲
汲惟以教育賢才爲已任聞有司官失職則曰此我
輩典教者之罪也其忠厚謹飭終始無間焉

卷之十九

七

吳郡

右春坊右諭德劉公戩傳

王時槐

劉戩字景元安福人成化乙未進士及第授翰林編
修進侍講弘治改元 命戩使交趾時交趾吞占城
侵緬甸頗蠭禽難其行戩被 命卽從兩僮乘肩
輿道南寧直抵其境交人驚曰昔之使者皆航海來
屬檣蔽洋貿易易奇今豈天人耶何其簡速也郊迎
館候視昔倍恭陪臣拜跪據 大明集禮受之不與
交一語至之日頒 詔明日宴畢遂行交王大恐曰
一國生靈命懸天使餽金珠犀象戩一不顧既行復
遣陪臣要於路期必致之戩書其初入關詩曰歸裝
若有關南物一任關神降百殃以示之交人登敬俸
初戩至交地若炎暑其館伴進一象骨扇及出關
以其扇返之交王遣使人謝未有廷臣清白之語進
右春坊右諭德踰年卒戩配胡氏早有數請置貳室
不聽臨終索紙書曰劉伶之鍾既荷莊叟之骸如遺
無一語及家事所著有晉軒集

卷之十九

七

吳郡

諭德東溪沈先生墓

顧清

先生諱燾字良德姓沈氏別號東溪蘇之長洲人也
先世以醫事宋家汴京有諱某者當建炎初扈駕南
渡始家於長洲思陵親御翰墨書良惠二字賜之時
稱為良惠沈氏六世祖元醫學提領諱瑛生彥才為
平江路醫學錄彥才生德輝江浙行省醫學提舉德
輝生日章日章生以潛國朝太醫院御醫是為君祖
以潛生宙宇孟循封奉直大夫歸德州知州是為君
父妣楊氏封宜人先生其仲子也少穎異與兄方伯
公杰自相師友並有聲庠序間成化丙午以易經薦
南畿弘治癸丑擢進士被選入翰林為庶吉士試文
優等閣老義興徐公洛陽劉公長沙李公咸器之除
國史編修教內書館嚴而善誨諸生皆敬愛之癸亥
校正本草以先生家學命為總裁始就局聞儉人欲
假以倖進即上疏力辭人稱其有執乙丑修 孝廟
實錄充纂修官已未封安南王 命為正使據經執
禮凡餽遺悉不受交人尤憚服焉使還滿三考陞侍
講充 經筵講官已巳 實錄成 賜白金文綺陞
右春坊右諭德丁內艱起復忽遇疾乞歸疏再上乃
得請仍諭以即來乙亥四月九日竟不起年六十四

右春坊右諭德倫公文叙傳

黃佐

倫文叙字伯疇南海人長身玉立頭顱大二尺許五
歲時與羣兒戲有術者獨指之曰此兒大魁相也弘
治己酉以儒士就試巡按御史周南得其卷於遺材
中嗟異之入試果中高等肄業太學己未會試殿試
皆第一授翰林院修撰學行才器為世所推重乙丑
武宗登極頒朔安南充正使會丁外艱歸不果行庚
午起復充 經筵講官尋推陞右春坊右諭德兼翰
林院侍講壬申九月進講舜有臣五人而天下治多
知諷語祭酉春進修王牒考殿惟詳是秋被 命主
考應天府比還得病卒於京師年四十有七文叙天
性純厚德器粹然望之可知其為君子篤於孝友甘
旨必盡而室無私財雅有弘量未嘗與物競尤能伏
大義朝族黨恤孤寡既以文章連授大魁人皆期為
台輔及卒天下惜之所為文宗韓楊悠長宛轉類其
為人居嘗以書史自娛手不釋卷尤善教子長以諒
字彥周鄉試第一辛巳進士入翰林累官南京通政
參議次以訓字彥式會試第一殿試第二官至南京
國子監祭酒贈文叙如已官頤悟過人詩文立筆而
就位監待士以寬養病卒於家次以誥登進士高等

卷之十九

五

吳山館

卷之十九

五

吳山館

南京兵部郎中父子三元海內衣冠盛事未能式之先也

屠諭德應堉傳

戚元佐

屠公應堉者康僖公第六子也字文升平湖人少疎明曠達不繩細行一出語輒警其先生長老初以父蔭入太學既而見其兄應墳應坤皆列方面金紫耻獨以閥恩貴乃力學自苦嘉靖乙酉舉應天鄉試第二人明年第進士選翰林庶吉士公自負倜儻意不下一世人而屬中秘清燕羅百氏言盡讀之其學益日闊大窮變爲文善比事屬辭陳詠類情縱橫子史經傳而宗本子長詩法凡淵百家意有獨至而陰操其勝於衆人沿習之外故自名公大家無不傾已下之同時有吳中袁永之四明陳約之錫山華子潛晉江王道思皆一時勝流公與之友日相引上下其議論又館中諸吉士盡負才名與公鴈行而列公寔銜官命之方其居常賦咏人擅其長皆矜用以爲美及公脫葉出羣萃而讀之則人人自失矣當是時張文忠公初得君好變易典制諸吉士皆少年負氣不能屈往往抗視閣臣文忠怒盡黜諸吉士公投刑部主事戊子鄉試新議京朝官出典文衡公得江西未行有當軸者以其子屬之令入選公不聽及試錄至當軸子竟不第意欲危中之而其人似他事罷去已調

禮部主事歷儀制郎中諸 郊廟典禮多所裁定癸巳改翰林修撰同校列聖訓錄成賜宴 謹身殿仍賜金幣進侍讀己亥轉右春坊右諭德時 春官初建大簡宮僚廷臣無不覲侍以進卒亦有倖進者故給事中御史以爲言公進已久無可言而忌才者輒橫及之章一再上罷免者十七人而公獨以稱其位留於是人情藉藉以公輔望之矣公雖獨留憤當世之不見知也力求解職歸疏四三上得請歸卽疾作數年不能起先是 天子大狩承天儒臣走息從有司供帳具餽酒甚備然從官夥不能辦先至者縱其豪有力奪之及踵至清顯竟闕然不給公常與所知投民舍以止或枵腹馳數十里倦臥沙際或冒風雨馳驅甲馬中夜聞聲縱縱車轂擊逐徒但驚失僕夫互相呼移時乃合勞頓如是者踰月之半因得奇疾交趾弗靖不臣貢者且二十年所 詔廷臣議才望者使往諭廷臣議以公應 詔公奮然曰人臣無橫草之功侍講幄得奉使命常宜 天子威聲萬里外吾之願也而議乃寢不行然公志寔壯矣公前時好爲奇節豪宕風發飲酒百鍾不醉又愛近女後庭多稚齒媵婿稅文之暇則御之後居官十五六年大致

卷之十九

五

步出作

卷之十九

五

五

步出作

皆然或云愆令損真公疾則宜也簡令不病則不自廢退卽病能勉留坊局則六七年間亦可遂躋台鼎卒以病廢病亦遂卒可勝惜哉所著有蘭暉堂集行於世余嘗論 國朝二百年來吾嘉祥詩文者無慮數十百家然卒承宋元遺習間有悟而自牧者學不充其量才不絢其采以稱大方則難而遇公詞壇之上不免盡俯於下風矣但公志未艾長筭屈於短日可勝恨哉子仲律廬州知府叔芳山東副使孫謙山東副使蒙甲子省試貢士大壯戊子順天鄉試貢士